

岑

嘉

州

詩

岑嘉州詩卷之四

七言古詩

青門歌送東夢張判官

青門金鎖平旦開城頭日出使車廻青門柳枝正堪
折路傍一_二幾人別東出青門路不窮驛樓官樹灞
陵東花撲征衣看似繡雲隨去馬色疑驄胡姬酒壚
日未午絲繩玉缸酒如乳霸頭落花淺馬蹄_{一作}昨
夜微雨花成泥黃鸝翅濕飛屢低關東尺書醉懶題
須臾望君不可見揚鞭飛鞚疾於箭惜問使乎何時
來莫作東飛伯勞西飛燕

梁園歌送河南王說判官

君不見梁孝王脩竹園頽墻隱赫勢仍存嬌娥慢臉
成草蔓羅帷珠簾空竹根大梁一旦人代改秋月春
風不相待池中幾度鴈新來洲上千年鶴應有梁園
鴈洲梁園二月梨花飛却似梁王雪下時當時置酒
延枚叟肯料平臺孤兔走萬事翻覆如浮雲昔人空
存今人口單父古來稱處生祗今為政有吾兄家兄
單輶軒若過梁園道應傍琴臺聞政聲

白雪歌送武判官歸京

北風卷地白草折胡天八月即飛雪忽如一夜春風

來千樹萬樹梨花開散入珠簾
濕羅幕孤裘不暖錦
裘薄將軍角弓不得控都護鐵
衣冷難着瀚海闌干
百尺冰愁雲慘淡萬里凝中軍
直酒飲歸客胡琴琵琶與箏笛
紛紛暮雪下轅門風掣紅旗凍不
翻風一作
輪臺東門送君去去時雪滿天
山路山迴路轉不見
君雪上空留馬行處

熱海行送崔侍御還京

側聞陰山胡兒語西頭熱海水
如煮海上衆鳥不敢
飛中有鯉魚長且肥海中有鯉魚岸
防青草常不歇空中
白雪遙旋滅沙爍石燃虜雲沸浪
炎波煎漢月陰

火潛燒天地爐何事偏烘西一作勢吞月窟侵
太白氣連赤坂通單于送君一一作天山郭正見夕陽
海邊落栢臺霜威寒逼人熱海一作氣為之薄一作君薄

走馬川行奉送出師西征

君不見走馬川行雪海邊平沙莽莽入天輪臺九
月風夜吼一川碎石一作破石大如斗隨風滿地石亂走
匈奴草黃馬正肥金山西見煙塵飛漢家大將西出
師將軍金甲夜不脫半夜軍行戈相撥風頭如刀面
如割馬毛帶雪汗氣蒸五花連一作踐旋作冰幕中草檄
硯水疑虜騎聞之應膽懾料知一作知兵不敢接車師西

門佇獻捷

輪臺歌奉送封太使出師西征

輪臺城頭夜吹角輪臺城北旄頭落羽書昨夜過渠
黎單于已在金山西戍樓西望煙塵黑漢兵屯在輪
臺北上將旄旄西出征平明吹笛大軍行四邊伐鼓
雪海涌三軍大呼陰山動虜塞兵氣連雲屯戰場白
骨纏草根劒河風急雲片闊沙口石凍馬蹄脫亞相
勤王甘苦辛誓將報主靜邊塵古來青史誰不見今
見功名勝古人

敷水歌送竇漸入京

羅敷昔時秦氏女千載無人空處所昔時流水至今
流萬事皆逐東流去此水東流無盡期水勢還似舊
來時岸花仍自羞紅臉楊柳猶能學翠眉上云秋來
不相待水中月色長不改羅敷養蠶空耳聞使君五
馬今何在九月霜天水正寒故人西去度鞍轡水底
鯉魚幸無數願君驛後垂尺素

西谷關歌送劉評事使關西

君不見西谷關崩城毀壁至今在樹根草蔓遮古道
空谷千年長不改寂寞無人空舊山聖朝無事不須
關白馬公孫何處去青牛老子更不還蒼苔白骨空

滿地月與古時長相似
野花不省見人行
山鳥何曾識關吏
故人方乘使者車
吾知郭丹却不如
請君時憶關外客
行到關西多致書

天山雪歌送蕭治歸京

天山雪雲常不開
千峯萬嶺雪崔嵬
北風夜卷赤亭口
一夜天山雪更厚
能兼漢月照銀山
復逐胡風過鐵關
交河城邊鳥飛絕
輪臺路上馬蹄滑
曉霽寒氛萬里凝
闌干陰崖千丈冰
將軍狐裘臥不暖
都護寶刀凍欲斷
正是天山雪下時
送君走馬歸京師
雪中

一作客中何以贈君別
惟有青青松樹枝

胡笳歌送顏真卿赴河隴

君不聞胡笳聲最悲
紫髯綠眼胡人吹
吹之一曲猶未了
愁殺樓閣征戍兒
涼秋八月蕭關道
北風吹斷天山草
崑崙山南月欲斜
胡人向月吹胡笳
怨兮將送君
秦山遙望隴山雲
邊城夜夜多愁夢
向月

一作胡笳誰喜聞

火山雲歌送別

火山突兀赤亭口
火山五月火雲厚
火雲滿山凝未開
飛鳥千里不敢來
平明乍逐胡塵斷
薄暮渾隨塞雨回
繚繞斜吞鐵關樹
氛氲半掩交河戍
迢迢征路

天山東山上孤雲隨馬去

秦箏歌送外甥蕭正歸京

汝不聞秦箏聲最苦五色絢絃十三柱
怨調慢聲如欲語一曲未終日移午
紅亭水木不知暑忽彈黃鍾和白紵
清風颯來雲不去聞之酒醒淚如雨
汝歸秦兮彈秦聲秦聲悲兮聊送汝

韋貞外家花樹歌

今年花似去年好去年人到今年老
始知人老不如

花一作不可惜落花君莫掃君家兄弟不可當
列卿御

史尚書郎朝回花底恒會客花撲玉街一作春酒香

蜀葵花歌

昨日一花開今日一花開今日花正好昨日花已老
人生不得恒少年莫惜牀頭沽酒錢請君有錢向酒
家君不見蜀葵花

玉門關蓋將軍歌

蓋將軍真丈夫行年三十執金吾身長七尺頗有鬚
玉門關城迥且孤黃沙萬里百草枯南鄰大戎北接
胡將軍到來備不虞五千甲兵膽力麤軍中無事但
歡娛暖屋繡簾紅地爐織成壁衣并擣毬燈前侍婢
瀉玉壺金鎗亂點野酡酥紫綬金章在右轡問者即

一作是蒼頭奴美人一双閑且都朱唇翠肩映明眸
清歌一曲世所無今日喜聞鳳將雛可怜絕勝秦羅
敷使君五馬謾踟躕野草繡窠紫羅襦紅牙鏤馬對
擣蒲玉盤纖手撒作盧衆中誇道不曾輸礮上昂昂
皆駿駒桃花叱撥價最殊騎將獵向城南隅臘日射
千年狐我來塞外按邊儲為君取醉酒刺沽醉爭酒
盞相喧呼忽憶咸陽舊酒徒

邯鄲客舍歌

客從長安來驅馬邯鄲道傷心叢墓下一旦生蔓草
客舍門臨漳水邊垂楊下繫釣魚船邯鄲女兒夜沽

酒對客挑灯誇數錢
酩酊醉時月正午
一曲狂歌壚上眠

衛節度赤驃馬歌

一作衛尚書

君家赤驃盡不得一團旋
風桃花色紅纓紫鞵珊瑚

鞭

一作玉

鞍錦韉黃金勒請君韉出看君騎尾長

宰地如紅絲自矜諸馬皆不及却憶白金初買時香

街紫陌鳳城內蒲城

一作行

見者誰不愛揚鞭驟急白

汗流弄影行驕碧蹄碎紫髯胡雛金前刀平明翦出
三駿高擡上看時獨意氣衆中牽出偏雄豪騎將獵
向南山口城南狐兔不復有草頭一點疾如飛却使

蒼鷹翻向後憶昨看君朝未央鳴珂擁蓋滿路一作
香始知邊將真富貴可怜人馬相輝光男兒稱意得
如此駿馬長鳴北風起待君東去掃胡塵為君一日
行千里

田使君美人如蓮花北鋌歌

此曲本出北同城

美人舞如蓮花旋世人有眼應未見高臺蒲地紅氍
毹試舞一曲天下無此曲胡人傳入漢諸客見之驚
且歎慢臉嬌娥纖復濃輕羅金縷花葱龍回裙轉袖
若飛雪左鋌右鋌生旋風琵琶橫笛和未弔花門一作
山頭黃雲合忽作出塞入塞聲白草胡沙寒颯颯

身入破如有神前見後見回回新始知諸曲不可比
採蓮落梅徒聒耳世人學舞只是舞姿態豈能得如
此

裴將軍宅盧管歌

遼東九月蘆葉斷遼東小兒採蘆管可憐新管清且
悲一曲風颯海頭滿海樹蕭索天雨霜管聲寥亮月
蒼蒼白狼河北堪愁恨玄兔城南皆斷腸遼東將軍
長安宅美人蘆管會佳客弄調啾飀勝洞簫發身竊
窺欺橫笛夜半高堂客未回祇將蘆管送君盃巧能
陌上驚楊柳復向園中誤落梅諸客愛之聽未足高

捲珠簾列紅燭將軍醉舞不肯休更使美人吹一曲

太白胡僧歌 并序

太白中峰絕頂有胡僧不知幾百歲眉長數寸身
不製繒帛衣以草葉恒持楞伽經雲壁迥絕人迹
罕到嘗果峰有闢虎弱者將死僧枕而解之西漱
有毒龍久而為患僧器而貯之商叟前年採茯苓
深入太白偶值此僧訪我予恒有獨性之意聞而
悅之乃為歌曰

聞有胡僧在太白蘭若去天三百尺一持楞伽入中
峰世人難見但聞鍾窓遙錫杖解兩虎林下鉢盂藏

一龍草衣不針復一作亦不線兩耳垂眉覆面此僧
年紀那得知手種青松今十圍心將流水同清淨身
與浮雲無是非商山老人已曾識願一見之何由得
山中有僧人不知城裏看山空黛色

岑嘉州詩卷之五

七言古詩

范公叢竹歌

并序

職方郎中兼侍御史范公乃於陝西使院內種竹
新製叢竹詩以見示美范公之清致雅操遂為歌
以和之

世人見竹不解愛知君種竹府庭內此君託根幸得
所種來幾時聞已大盛夏脩脩叢色寒閑宵撼撼葉
聲乾能清案牘簾下見宜對琴書窓外看為君成陰
特蔽日迸笋穿階踏還出守節偏凌御史霜虛心願

比即官筆君莫愛南山松樹枝竹色四時也不移寒
天草木黃落盡猶自青青君始知

優鉢羅花歌

并序

參寥讀佛經聞有優鉢羅花目所未見天寶景中
歲參忝大理評事攝監察御史領伊西北庭度支
副使自公多暇乃于府庭內栽樹種藥為山鑿池
婆娑乎其間足以寄傲交河小吏有獻此花者云
得之於天山之南其狀異於衆草勢龍從如冠弁
巖然正聳生不傍引攢花中拚駢葉外包異襲人
秀色媚景因賞而歎曰爾不生於中土僻在遐裔

使牡丹價重笑榮譽高惜哉夫天地無私陰陽無
偏各遂其生自物厥性豈以偏地而不生乎豈以
無人而不芳乎適此花不遭小吏終委諸山谷亦
何異懷才之士未會明主擯於林藪邪因感而為
歌歌曰

白山南赤山北其間有花人不識綠莖瑋葉好顏色
葉六瓣花九房夜掩朝開多異香何不生彼中國兮
西方移根在庭媚我公堂恥與衆草為之伍何亭亭
而獨芳何不為人之所賞兮深山窮谷委嚴霜吾竊
悲陽關道路長曾不得獻於君子

燉煌太守後庭歌

燉煌太守才且賢，郡中無事高枕眠。
太守到來山出泉，黃沙磧裏人種田。
燉煌耆舊鬢皓然，願留太守更五年。
一作五年城頭出月星滿天，
曲房置酒張錦筵。美人紅妝色正鮮，
側垂高髻插金鈿。醉坐藏鉤紅燭前，
不知鉤在若箇邊。
為君手把珊瑚鞭，射得半段黃金錢。
此中樂事亦一作也已偏。

與獨孤漸道別長句兼呈嚴八侍御

輪臺客舍春草滿，潁陽歸客腸堪斷。
窮荒絕漠鳥不飛，萬磧千山夢猶懶。
憐君白面一書生，讀書千卷未

成名升侯貴明脚不到數峰山田身自耕暇來溪邊
無遠道憂憂辭家憶鄉情難事盡難情馬頭西南幾
欲窮幾難幾使三年獨奉歸邊頭詞客舊家歸情問
已來得幾日到家不覺換春衣不高漸清畫意惡羅蘇
帽接續續來看中酒朝眠日色高漸續續半燈花忘
水片滿金鋪盡滿堂凜凜五月風林梢青漸吐
蔓文武難難難可餐軍中道漸難難難紅燈月
未午花門將軍苦胡歌難難難難難語知難難林
壓渭渭夫人堂上泣羅襦魚龍川幾盤溪雨鳥鼠山
西遊雲臺中嚴公於我厚別後詩滿人口自憐

棄置天西頭因君為問相思否

送郭八雜言

地上青草出經冬方始歸
博陵無近信猶未換春衣
憐汝不忍別送汝上酒樓
初行莫早發且宿瀟陵頭
功名須及早歲月真堪擲
早年已工詩近日兼注易
何時過東洛早晚渡盟津
朝歌城邊柳柳柳道上行
花撲人去年四月初我正在
河朔曾上君家縣北樓
樓上分明見恒嶽中山明府
待君來須計行程及早
回到家速覓長安使待汝書
封我自開

送賈子歸武昌

漢陽歸客悲秋草
旅舍葉飛愁不掃
秋來倍憶武昌魚
夢著只在巴陵道
曾隨上將過祁連
離家十年恒在邊
劒鋒可惜虛用盡
馬蹄無事今已穿
知君關鄆恒愛客
擣糲百金每一擲
平生有錢將與人
江上故園空四壁
吾觀費子毛骨奇
廣睂大口仍赤髭
看君失路尚如此
人生貴賤那得知
高秋八月歸南楚
東門一壺聊出祖
路指鳳凰山北雲
衣沾鸚鵡洲邊雨
莫歎蹉跎白髮新
應須守道勿羞貧
男兒何心戀妻子
莫向江村老却人

送魏升卿

魏升卿

擢第歸東都因懷魏校書陸渾喬潭

井上梧桐雨瀟瀟
亭春秋風故人適
戰勝匹馬歸山東
問君今年三十幾
能使香名滿人耳
君不見三峰直上
五千仞見君文章
亦如此如君兄弟
天下稀
雄詞健筆皆若飛
將軍金印綬紫綬
御史鐵冠重繡衣
喬生作尉別來久
因君為問平安否
魏侯校理復何如
前日人來不得書
陸渾山水佳可賞
蓬閣閑時亦應往
自料青雲未有期
誰知白髮偏能長
壚頭青絲白玉瓶
別時相顧酒如傾
一作搖鞭舉袂忽不見
千樹萬樹空蟬鳴

送張獻心充副使歸河西雜句

將門子弟君獨賢一從受命常在邊末年三十已高
位腰間金印色赭然前日承恩白虎殿歸來見者誰
不羨篋中賜衣十重一作千餘案上軍書十二卷看君
謀智若有神愛君詞句皆清新澄湖萬頃深見底清
水一片光照人雲中昨夜使星動西門驛樓出相送
玉瓶素蟻臘酒香金鞍白馬紫遊韉花門南燕支北
張掖城頭磧雲黑送君一去天外憶

送宇文南金放後歸太原寓居因呈太原郝主
簿

歸去不得意北京關路賒却投晉山老愁見汾陰花

翻作灞陵客，恰君丞相家。
夜眠旅舍雨，曉醉春城鴉。
送君繫馬青門口，胡姬爐頭勸君酒。
為問太原賢主，人春來更有新詩否？

西亭子送李司馬

高高亭子郡城西，直下千尺與雲齊。
盤崖綠壁試攀躋，躋群山向下飛。
鳥低使君五馬天，半嘶絲繩一作青絲王壺為君提。
坐來一望無端倪，紅花綠柳一作鶯亂啼錦。千家萬井連回溪，
酒行未醒聞暮鷄。點筆操紙為君題，
解攜草屨沒馬蹄。

臨河客舍呈狄明府兄留題縣南樓

鳳陽城樓雪正飛
黎陽渡頭人未歸
一作黎陽渡人渡
遶酒家堪寄宿
主人小女能縫衣
故人高臥黎陽縣
一別三年不相見
邑中雨雪偏着時
隔河東郡人遙
羨鄴都唯見古
時丘
漳水還如舊日流
城上望鄉應
不見朝來好是懶登樓

客舍悲秋有懷兩省舊遊呈幕中諸公

三度爲郎便白頭
一從出守五經秋
莫言聖主長不用
其那蒼生應未休
人問歲月如流水
客舍秋風又起
不知心事向誰論
江上蟬鳴空滿耳

寄西岳山人子岡

君隱處當一星蓮花峰頭飯黃精仙人掌上演丹經
鳥可到人莫攀隱來十年不下山袖中短書誰為達
華陰道士賣藥還

贈酒泉韓太守

太守有能政遙聞如古人俸錢盡供客家計亦清貧
酒泉西望玉關道千山萬磧皆白草辭君走馬歸長
安思君倏忽令人老

醉題江城周少府廳壁

婦姑城南風雨秋婦姑城中人獨愁愁雲遮却望鄉
處數日不上西南樓故人薄暮公事閒玉壺美酒琬

白陂潁陽秋草今黃盡醉臥君家猶未還

梁州館中與諸判官夜集

彎彎月出挂城頭城頭月出照梁州梁州十萬
家胡人半解彈琵琶琵琶一曲腸堪斷風蕭蕭今夜
漫漫河西幕中多故人故人別來三五春花樓前
見秋草豈能貧賤相看老一生一作大笑能幾回
酒相逢須醉倒

酒泉太守席上醉後作

酒泉太守能劍舞高堂置酒夜擊鼓胡笳一曲斷人
腸座上相看淚如雨琵琶長笛曲相和羌兒胡雛齊

唱歌渾多翠牛烹野蔬交河美酒金叵羅三更醉後
草中寢無柰秦山歸夢何

醉後戲與趙歌兒

秦州歌兒聲最苦偏能立唱濮陽女座中醉客不得
意聞之一聲淚如雨向使逢着漢帝憐董賢氣咽不
能語

銀山磧西館

銀山峽口風似箭鐵門關西月如練双双愁淚沾馬
毛颯颯胡沙進入西丈夫三十未富貴安能終日守

筆硯

宿蒲關東店憶杜陵別業

關門鎖歸路一夜夢還家月落河上曉遙聞春樹鴉
長安二月歸正好杜陵樹邊純是花

登古鄴城

下馬登鄴城城空復何見東風吹野火暮入飛雲殿
城隅南對望陵臺漳水東流不復回武帝宮中人去
盡年年春色為誰來

喜韓掾相過

三月灞陵春已老故人相逢耐醉倒甕頭春酒黃花
脂祿未只充沽酒資長安城中足年少獨共韓侯開

口笑桃花點地紅斑斑

一作錦班

如有酒留君且莫還與君

兄弟日

一作只

携手世上虛名好是閑

偃師東與韓等同詣景雲暉上人即事

山陰老僧解楞伽
潁陽歸客遠相過
煙深草濕昨夜雨
雨後秋風渡漕河
空山終日塵事少
平郊遠見行人小
尚書磧上黃昏鐘
別駕渡頭一歸鳥

感遇二首

五花驄馬七香車云是平陽帝子家
鳳凰城頭日欲斜
斜門前高樹鳴春紫

一作紫

一作紫

鴉漢家魯元君不聞今作城

西一古墳昔來唯有秦王女
獨自吹簫乘騎

一作騎

白雲

北山有芳杜靡靡花正繁
春風及澤棟之秋風忽吹殺
君不見拂雲百丈青松柯
縱使秋風無奈何四時長
作青黛色可憐杜花不相識

漁父

扁舟滄浪叟心與滄浪清
不自道鄉里無人知姓名
朝從灘上飯暮向灘中宿
歌竟復還歌手持一竿竹
竿頭釣魚無幾丈絲線
垂流無定居世人那得識
深意此篇取過非取魚

岑嘉州詩卷之六

五言律詩

歲暮磧外寄元撫

西風傳戍鼓南望見前軍
沙磧人愁月山城犬吠雲
別家逢逼歲出塞獨離群
髮到陽關白書今報遠君

寄左省杜拾遺

聯步趨丹陛分曹限紫微
曉隨天仗入暮惹御香歸
白髮悲花落青春羨鳥飛
聖朝無闕事自覺諫書稀

宿關西客舍寄山東嚴許二山人時天寶高道

舉徵

雲送關西雨風傳渭北秋孤灯燃客夢寒杵搗鄉愁
灘上思簾子山中憶許由蒼生今有望飛詔下林丘
夜過盤石隔河望永樂寄閨中効齊梁體

盈盈一水隔寂寂二更初波上思羅襪魚邊憶素書
月如眉已畫雲似鬢新梳春物知人意桃花笑索居
磧西頭送判官入京

一身從遠使萬里向安西漢月垂鄉淚胡沙費馬蹄
尋河愁地盡過磧覺天低送子軍中飲家書醉裏題
漣水東店送唐子歸嵩陽

野店臨官路重城壓御提山開灞水北雨過杜陵西

歸夢秋能作鄉書醉懶題橋回忽不見征馬尚聞嘶

送張子尉南海

不擇南州尉高堂有老親樓臺重壓氣邑里雜鉸人
海暗三江雨花明五嶺春此鄉多寶玉慎莫厭清貧

送都尉東歸

時封大夫
初得罪

白羽綠弓弦年年只在邊還家劍鋒盡出塞馬蹄穿
逐虜西踰海平湖北到天封侯應不速燕領豈徒然
號州送天平何承入京市馬

關樹晚蒼蒼長安近夕陽回風醒別酒細雨濕行裝
習戰邊塵黑防秋塞草黃知君市駿馬不是學燕王

陝州月城樓送辛判官入秦

送客飛鳥外樓頭城最高
樽前遇風雨窓裏連波濤
謁帝向金殿隨身惟寶刀
相思灞陵後祇有夢偏勞

送王七錄事赴魏州

早歲即相知嗟君最後時
青雲仍未達白髮欲成絲
小店關門樹長河華岳祠
弘農人吏待莫使馬行遲

送羽林長孫將軍赴歙州

剖竹向江濱能名計日聞
隼旗新刺史虎劍舊將軍
驛舫宿湖月州城侵海雲
青門酒樓上欲別醉醺醺

送懷州吳別駕

朝上柳枝黃壚頭酒正香春流飲去馬暮雨濕行裝
驛路通函谷州城接太行覃懷人摠喜別駕得王祥
送襄州任別駕

別乘向襄州蕭條楚地秋江聲官舍裏山色郡城樓
莫羨黃公蓋須乘庾伯舟高陽諸醉客唯見古時丘
送崔真外入奏因訪故園

欲謂明光殿先趨建禮門仙郎去得意亞相正承恩
鉅裏巴山道花間漢水源憑將兩行淚為訪邵平園

送韋侍郢先歸京

得寬字

聞欲朝龍闕應須拂牙冠風霜隨馬去炎暑為君寒

客淚題書落鄉愁對酒寬先憑親友報後月到長安
送鄭侍御謫閩中

謫去君無恨閩中我舊過大都秋鴈少只是夜猿多
東路雲山合南天瘴癘和自當逢雨露行矣慎風波
送王錄事却歸華陰王錄事自華陰尉授虢州
錄事參軍旬日却復舊官

相送欲狂歌其如此別何攀轅人共惜解印日無多
仙掌雲重見關河路再過雙魚莫不寄縣外是黃河
送宇文舍人出宰元城得陽字

雙鳧出未央千里過河陽馬帶新行色衣聞舊御香

縣花迎墨綬，閨柳拂銅章。別後能為政，相思淇水長。

送王伯倫應制授正字歸

當年最稱意，數子不如君。戰勝時偏許，名高人共聞。
半天城北雨，斜日灞西雲。科斗皆成字，無令錯古文。

送張郎中赴隴右觀省鄉公

中郎鳳一毛，世上獨賢豪。弱冠已銀印，出身惟寶刀。
還家鄉月近，度隴將星高。幙下多相識，邊書醉懶抄。

送鄭少府赴滄陽

子真河朔尉，邑里帶清漳。春草迎袍色，晴花拂綬香。
青山入官舍，黃鳥度宮牆。若到銅臺上，應怜魏寢荒。

送任郎中出守明州

罷起郎官草初分刺史符城邊樓枕海郭裏樹侵湖
郡政傍連楚朝恩獨借吳觀潮秋正好莫不上姑蘇
送四鎮薛侍御東歸

相送淚沾衣天涯獨未歸將軍初得罪門客復何依
夢出湖山闊書停隴鴈稀園林幸接近一爲到柴扉
送張卿郎君赴碭石尉

卿家送愛子愁見灞陵春草羨青袍色花隨黃綬新
縣西丞筵路城北大陽津日暮征鞍去東郊一片塵
送陽州王司馬

君家舊淮水水上到陽州海樹青官舍江雲黑郡樓
東南隨去馬人吏待行舟為報吾兄道如今已白頭
趙少尹南亭送鄭侍御歸東臺

江亭酒甕香白面繡衣郎砌冷虫喧坐簾疎月到牀
鐘催離思急絃逐醉歌長關樹應皆落隨君滿路霜
送李太保克渭北節度

卿太尉光
弼弟也

詔出未央宮登壇近總戎上公周太保副相漢司空
弓抱關西月旗翻渭北風弟兄皆許國天地荷成功
餞李尉武康

潘郎腰綬新雪上縣花春山色低官舍湖光映吏人

不須嫌邑小莫即耻家貧更作東征賦知君有老親
送秘書虞校書虞卿丞

花紋傍腰新關東縣欲春殘書厭科斗舊閣別麒麟
虞坂臨官舍條山映吏人看君有知己坦腹向平津
祁四再赴江南別詩

萬里來又去三湘東復西別多人換髮行遠馬穿蹄
山驛秋雲冷江帆暮雨低憐君不解說相憶在書題
酬崔十二侍御登上壘山思故園見寄

玉壘天晴望諸峰盡覺低故園江樹北斜日見領雲西
曠野看人小長空共鳥齊山高扶仰止不得日攀躋

奉和杜相公初夏發京城作

按節辭黃閣登壇戀赤墀恩明限主授律遠行師
野鵲迎金印郊雲拂畫旗叨陪幕中客敢和出車詩
敬酬李判官使院即事見呈

公府日無事吾徒只是閑草根侵柱礎苔色上門關
耿硯時飛鳥簾櫳晴對山新詩吟未足昨夜夢東還

岑嘉州詩卷之七

五言律詩

尋少室張山人聞與嫗師周明府同入都

中鋒鍊金客昨日遊人間
葉縣鳧共出葛陂龍暫還
春雲湊深水秋雨懸空山
寂寞清谿上空餘丹竈閑

與鄆縣源少府泛漢陂

得人字

載酒入天色水涼難醉人
清搖縣郭動碧洗雲山新
吹笛驚白鷺垂竿跳紫鱗
怜君公事後陂上日一作自

娛賓

與鮮于庶子泛漢江

得遲字

急管更須吹杯行莫遣遲酒光紅琥珀江色碧琉璃
日影浮歸棹蘆花背釣絲山公醉不醉問取葛疆知
終南東溪口作

溪水碧於草潏潏花底流沙平堪濯足石淺不勝舟
洗藥朝與暮釣魚春復秋興來從所適還欲向滄洲
與鄠縣官泛溪陂

萬頃浸天色千尋窮地根舟移城入樹片闊水浮村
閑鷺驚蕭管潛虻傍酒罇一作小吏列火儼
歸軒

登總持閣

高閣逼諸天登臨近日邊晴開萬井樹愁看五陵煙
檻外低秦嶺窻中小渭川早知清淨理常願奉金仙

攜琴酒尋蘭防崇濟寺所居僧院

得濃字

相訪但尋鍾門寒古殿松彈琴醒暮雨捲幔引諸峰
事愜杯中語人幽物外蹤吾廬幸相近茲地典偏濃

奉陪封大夫九日登高

九日黃花酒登高會昔聞霜威逐亞相煞氣傍中原
橫笛驚征鴈嬌歌落塞雲邊頭幸無事醉舞荷吾君

陪封大夫宴瀚海亭納涼

得時字

細管雜青絲千杯倒接離軍中乘興出海上納涼時

日沒鳥飛急山高雲過遲
吾從太太后歸路擁旌旗
梁州陪趙行軍龍崗寺北庭之舟宴王侍御
誰宴霜臺使行軍粉署郎
唱歌江鳥沒吹笛岸花香
酒飲搖新月難聲聒夕陽
汪鐘聞已暮歸棹綠川長

高宮谷口招鄭鄩

谷口來相訪空齋不見君
澗花然暮雨潭樹暖春雲
門徑稀人迹簷峰下鹿群
衣裳與枕席山霽碧氤氲
春興思南山舊蘆招柳建

終歲不得意春風今復來自
伶蓬鬢改羞見梨花開
西掖誠可恋南山愁早回
園廬幸接近相與歸蒿萊

發臨洮將赴北庭留別

得飛字

聞說輪臺路連年見雪飛
春風不曾到漢使亦應稀
白草通疎勒青山過武威
勤王敢道遠私向夢中歸

首秋輪臺

異域陰山外孤城雪海邊
秋來唯有鴈夏盡不聞蟬
雨拂氍毹濕風搖毳幕羶
輪臺萬里地無事歷三年

北庭作

鴈塞通鹽澤龍堆接醋溝
孤城天北畔絕域海西頭
秋雪春仍下朝風夜不休
可知年四十猶自未封侯

輪臺卽事

輪臺風物異地是古單于三月無青草千丈盡白榆
蕃書文字別胡俗語音殊愁見流沙北天西海一隅
武威春暮聞宇文判官西使還已到晉昌

片雨過城頭黃鸝上戍樓塞花飄客淚邊樹挂鄉愁
白髮悲明鏡青春換弊裘君從萬里使聞已到瓜州

稠桑驛喜逢嚴河南中丞使別

得時字

驛馬映花枝人人夾路窺離心且莫問春草白應知
不謂青雲客猶思紫禁時

參黍西掖
曾聯度

別君能幾日看

取髮成絲

過酒泉憶杜陵別業

昨夜宿祈連今朝過酒泉黃沙西際海白草北連天
愁裏難消日歸期尚隔年陽關萬里夢知處杜陵田
宿鐵關西館

馬汗踏成泥朝馳幾萬蹄雪中行地角大處宿天倪
塞迥心常怯鄉逢夢亦迷那知故園月也到鐵關西
宿岐州北郭嚴給事中別業

郭外山色暝主人林館秋疎鍾入尹內片月到床頭
遙夜惜已半清言殊未休君雖在青瑣心不忘滄洲
曉發五谿

客厭巴南地鄉鄰劔漢一作北天江村片雨外野寺夕

陽邊羊葉藏山逕蘆花雜一作渚田舟行未可佳乘
月且須牽

巴南舟中夜書事

渡口欲黃昏歸人爭渡喧近鐘清野寺遠犬點江村
見鴈思鄉信聞猿積淚痕孤舟萬里夜秋月不堪論
初至犍爲作

山色軒楹內難聲枕席間草生公府靜花落訟庭閑
雲雨連三峽風塵接百蠻到來能幾日不覺鬢毛斑
晚過盤石幸禮鄭和尚

暫詣高僧話來尋野寺孤岸花藏水碓溪竹狀風濤

頂上巢新鶴衣中得舊珠談禪未得去輟棹且踟蹰
漢川山行呈成少尹

西蜀方攜手南宮憶比肩平生猶不淺羈旅轉相怜
山店雲迎客江村犬吠船秋來取一醉待倚月光眠
巴南舟中思陸渾別業

瀘水南州遠巴山北客稀嶺雲撩亂起溪駕等閑飛
鏡裏愁來鬢舟中換袂衣夢魂知憶處無夜不先歸
郡齋平望江山

水路東連楚人煙北接巴山光闌一郡江月照千家
庭樹純栽橘園畦半種茶夢魂知憶處無夜不京華

題金城臨河驛樓

古戍依重險高樓見五原山根盤驛道河水浸城墻
庭樹巢鸚鵡園花引麝香忽如江浦上憶作摘魚郎
題永樂韋少府廳壁

大河南郭外終日氣昏昏白鳥下公府青山當縣門
故人是邑尉過客駐征軒不憚烟波闊思君一咲言

詠郡齋壁畫片雲

得歸字

雲片何人畫塵清粉色微未曾行雨去不見逐風歸
只惟偏凝壁回看欲惹衣丹青忽借便移向帝鄉飛

長門怨

君王嬖妾妬閑妾舊長門舞袖垂新寵愁眉結舊恩
綠錢生復近紅粉濕啼痕羞被桃花笑看君獨不言
故僕射裴公輓歌歸絳郡葵

五府瞻高位三台喪大賢禮容還故絳寵贈冠新田
氣歇汾陰鼎魂歸京兆天先時劍已沒隴樹又蒼然
故河南尹岐國公贈工部尚書輓歌

白日驚泉石青春掩夜臺舊堂堦草長空院砌花開
山曉銘旌出郊寒騎吹回三川不可見應惜庾公才

岑嘉州詩卷之八

五言排律

送嚴黃門拜御史大夫再鎮蜀川兼觀省

授鉞辭金殿承恩戀玉墀
登壇漢主用講德蜀人思
副相韓安國黃門向子期
刀州重入夢劔閣再題詞
春草連青綬晴花間赤旗
山鶯朝送酒江月夜供詩
許國分憂日榮親色養時
蒼生望已久來去不應遲

送郭僕射節制劍南

鐵馬探紅纓幡旌出禁城
明王親授鉞丞相欲專征
玉饌天厨送金盃御酒傾
劔門乘峻過閣道踏空行

山鳥驚吹笛江猿看洗兵曉雲隨去陣夜月逐行營
南仲今一作令時往西戎計日平將心感知已萬里寄
旗旌

送盧郎中除杭州赴任

罷起郎官卓初分刺史符海雲迎過楚江月引歸吳
城底濤声震樓端蜃氣孤千家窺驛舫五馬飲春湖
柳色供詩用鶯声送酒須知君望鄉處枉道上姑蘇

六月十二日水亭送華陰王少府還縣

得潭字

早晚人將別池涼酒未酣閑門勞夕夢仙掌引歸驂
河葉藏魚艇蓀花冒客簪殘雲收夏暑新雨帶秋嵐

失路情無適離懷思不堪賴茲庭戶聚別有小江潭

奉送李賓客荆南迎親

迎親辭望苑恩詔下慈闈昨見雙魚出今看駟馬歸
驛帆湘水闊客舍楚山稀手把黃香扇身披萊子衣
鵲隨金印喜鳥傍板輿飛勝作東征賦還家滿路輝
和荆部成負外秋寓直寄臺省知己

列宿光三署仙郎直五霄時衣天子賜厨膳太官調
長樂鍾應近明光漏不遙黃門持被覆侍女捧香燒
筆為題詩點燈綠起草挑竹喧交砌葉柳顰拂牕條
粉署榮新命霜臺憶舊僚名香播蘭蕙價重蘊瓊瑶

擊水翻滄海搏風透赤霄微才喜同舍何幸忽聞韶

早秋與諸子登號州西亭觀眺

得長字

亭高出島外客到與雲齊樹點千家小天圍萬嶺低
殘虹挂陝北急雨過關西酒榼綠青壁瓜田傍綠溪
微官何足道愛客且相攜唯有鄉園處依依望不迷

陪群公龍崗寺泛舟

得盤字

漢水天一色寺樓波底看鍾鳴長空夕月出孤舟寒
映酒見山火隔簾聞夜灘紫鱗掣芳餌紅燭焚金盤
良友興正愜勝遊情未闌此中堪倒載須尽上人歡

七言律

九月使君席上奉饒衛中丞赴長水

節使橫行西

一作東

出師鳴弓擐甲羽林兒臺上霜威

凌草木軍中殺氣傍旌旗頭知漢將宣威日正是胡

塵欲滅時爲報使君多泛菊更將弦管醉東籬

秋夕讀書幽興獻其部李侍郎

年紀蹉跎四十強自憐頭白始爲郎
雨滋苔蘚侵階綠秋颯梧桐覆井黃
驚蟬也解求高樹旅鴈還應殿後行
覽卷試穿隣舍壁明燈何惜借餘光

使君席送嚴河南赴長

嬌歌急管雜青絲銀燭金杯映翠眉
使君地主能相

送河尹天明坐莫辭春城月出入皆醉野戍花添馬
去遲寄聲報爾山翁道今日河南勝昔時

暮春虢州東亭送李司馬歸扶風別廬

柳顰鶯嬌花復殷紅亭綠酒送君還到來函谷愁中
月歸夫磻溪夢裏山簾前春色應須惜世上浮名好
是閑西望鄉關腸欲斷對君移袖淚痕斑

和祠部王員外雪後早朝即事

長安雪後似春歸積素凝華連曙暉色借玉珂還曉
騎光添銀燭晃朝衣西山落月臨天仗北闕晴雲捧
禁闌聞道仙郎歌白雪由來此曲和人稀

奉和中書賈至舍人早朝大明宮

雞鳴紫陌曙光寒
鶯轉皇州春色闌
金闕曉鐘開萬戶
玉階仙仗擁千官
花迎劍珮星初落
柳拂旌旗燕未殘
未乾獨有鳳凰池
上客陽春一曲和
皆難

奉和相公發益昌

相國臨戎別帝京
擁旄持節遠橫行
朝登劍閣雲隨馬
夜渡巴江雨洗兵
山花萬朵迎征蓋
川柳千條拂去旌
暫到蜀城應計日
須知明主待持衡

西掖省郎事

西掖重雲開曙暉
比山疎雨點朝衣
千門柳色連青

鎖三殿花香入紫微
平明端笏陪鸞列
薄暮垂鞭信馬歸
官拙自悲頭白盡
不如巖下偃荆扉

赴嘉州過城固縣尋永安趙禪師房

滿手批杷冬着花
老僧相見具袈裟
漢王城北雪初霽
韓信壇西日欲斜
門外不須催五馬
林中且聽演三車
豈料巴川多勝事
為君書以報京華

首春渭西郊行呈藍田張主簿

颼風渡雨渭城西
細草新花踏作泥
秦女峯頭雪未盡
胡公陂上日初低
愁隨白髮衰微祿
悔別青山憶舊蹊
聞道輞川多勝事
玉壺春酒正堪攜

五言絕句

題三會寺蒼頡造字臺

野寺荒臺晚，寒天古木悲。
空皆有鳥迹，猶似造書時。

題平汾郡溪橋柳樹

參魯居此九年

此地曾居住，今年宛似歸。
可怜溪上柳，相見也依依。

戲題關門

來亦一布衣，去亦一布衣。
羞見關城吏，還從旧道歸。

題井徑双溪李道士所居

五粒松花酒，双溪道士家。
唯求縮却地，鄉路莫教賒。

題雲際南峰眼上人讀經堂

眼公不下此堂十五年矣

結宇題三藏焚香老一峯雲間獨坐臥祇是對杉松

秋思

一作秋愁

那知芳歲晚坐見寒葉墮吾不如腐草翻飛作螢火
行軍九日思長安故園

強欲登高去無人送酒來遙憐故園菊應傍戰場開
日沒賀延碛作

沙上見日出沙上見日沒悔向萬里來功名是何物
憶長安曲二章寄龐催

東望望長安正值日初出長安不可見喜見長安日
長安何處在只在馬蹄下明日歸長安為君急走馬

西過渭州見渭如思秦州

渭水東流去何時到雍州
憑添兩行淚寄向故園流
經隴頭分水

隴水何年有潺潺
逼路傍東西流不歇曾斷幾人腸
歎白髮

白髮生偏速教人不柰何
今朝兩鬢上更覺數莖多
滅胡曲

都護新滅胡士馬氣亦麤
蕭條虜塵淨突兀天山孤
七言絕句

奉送曾侍御史江外

新騎驄馬復承恩使出金陵過海門
荆南渭北愁難見莫惜衫襟著淚痕

崔倉曹席上送殷寅充石相判官赴淮南

清淮無底綠江深宿處津亭楓樹林
駟馬欲辭丞相府一樽須盡故人心

虢州後亭送李判官使赴晉絳

得秋字

西原驛路掛城頭客散江亭雨未休
君去試看汾水上白雲猶似漢時秋

原頭送范侍御

百尺原頭酒色殷路傍驄馬汗斑斑
別君只有相思

燕夕遶莫千山與萬山

送李明府赴睦州便蘇太夫人

手把銅章望海雲夫人江上泣羅裙
嚴灘一點舟中月萬里烟波也愛君

勞作夢

送崔子還京

匹馬西從天外歸揚鞭只共鳥爭飛
送君九月交河北雪裏題詩淚滿衣

武軍送劉判官赴碇西行軍

火山五月人行少看君馬上疾如鳥
都護行營太白西角声一動胡天曉

題首宿烽寄家人

首宿烽邊澤，立春胡蘆河上。淚霑巾閨中，只是空思。
想不見沙場愁殺人。

玉關寄長安主簿

東去長安萬里餘，故人何惜一行書。平閑西望堪腸
斷，況復明朝是歲除。

過燕友寄杜位

燕支山西酒泉道，北風吹沙卷白草。長安遙在日光
邊，思君不見令人老。

赴北庭度隴思家

西向輪臺萬里餘也知鄉信日應踈隴山鸚鵡能言語為報家人數寄書

逢入京使

故園東望路漫漫雙袖龍鍾淚不乾馬上相逢無紙筆憑君傳語報平安

碛中作

走馬西來欲到天離家見月兩回圓今夜不知何處宿平沙萬里絕人烟

草堂尋人不見

數株垂柳欲依依深巷斜陽暮鳥飛門前雪滿無人

跡應是先生出未歸

封大夫破播仙凱歌六章

漢將承恩西破戎捷書先奏未央宮天子預開麟閣
待祇今誰數二師功

官軍西出過樓蘭營幕傍臨月窟寒蒲海曉霜凝馬
尾葱山夜雪撲旌竿

鳴笳疊鼓擁廻軍破國平蕃昔未聞大夫鵠印搖邊
月大將龍旗掣海雲

日落轅門鼓角鳴千群面縛出蕃城洗兵魚海雲迎
陣秣馬龍堆月照營

蕃軍遙見漢家營滿谷連山遍哭聲萬箭千刀一夜
殺平明流血浸空城

暮雨旌旗濕未乾胡煙白草日光寒昨夜將軍連曉
戰蕃軍只見馬空鞍

春夢

洞房昨夜春風起遙憶美人湘江水枕上片時春夢
中行盡江南數千里

山房春事

梁園日暮亂飛鴉極目蕭條三兩家庭樹不知人去
盡春來還發旧時花